

二十家子書



刊子書序

道在天地間肇於太極既
判之後故在天為日月星
辰在地為山川草木皆自
然之文莫非道也聖人者
出其言足以經世與天地



之文相爲昭灼欲探其奧
者必當玩其理欲求其趣
者必先索其辭然後以之
治已治人無不各臻於道
去聖日遠諸子聿興萬戶
千門言殊意別要之於道

各有所闡發而其舛戾者
亦未必無也孤承

先王建邦星沙纘履基業

夙夜匪懈求克問學於聖

經賢傳必欲探其闡奧然

恨未能周知廣覽以擴意

見不有臣鄰孰匡寡昧幸
我
聖天子情篤周親嚴選賢俊
以承天貳守謝汝韶爲孤
左輔履任以來忠廉清正
敬直肅勤孤召於

欽賜崇德書院日講六經語
孟學庸格迪不逮其於脩
齊治平之理開導詳明乃
知聖賢之道如布帛菽粟
誠生人不可一日缺矧有
治平之責者可一日不講

乎哉謝卿於侍講之暇語
及諸子書二十餘種於前
任時元佑宮得之道藏中
者校讐多年玩味有得手
錄呈進朕即披覽果如希
世之珍竒羨之味可以悅

目可以適口其間治國安
民之要惜身保命之文皆
不能無亦足以開玄關而
超妙竅非直求長生久視
者有裨至于法家戒行策
士方外亦有所益于是命

工刊梓以廣其傳雖然聖
賢之道炳如日星而諸子
之書間於道而有合聖賢
之語如布帛菽粟而諸子
之論若希世之珍竒美之
味其大家豐席自亦不可

少也孤以涼德未足以揚
其妙然於謝卿心孚道契
則風雲之會此一時也用
書教語以垂無窮崑

萬曆陸年歲在戊寅陸月
貳拾日

吉藩潭州道人德山子書
于崇德書院

吉府刻二十家子書序

二十家子書余同年友謝

其盛君所編輯也其盛君

仕優而學蒐獵執圃取道

德經而下無慮數十家手

錄成如千帙旦夕把玩豐

崇德書院
豐然浸淫其中所至輒携
以隨猶日用飲食未嘗暫
釋歲乙亥君由郢郡丞擢
傳長沙余時有事秦中君
詒書相語云世崇巧宦競
目王門爲疣贅鄙人固將

舍之歸築于天池山陽閉
戶卒業逍遙於無何有之
鄉請公一言決焉余奮之
曰不試未可知也昔人
言國故簡靜
王最稱賢不佞按楚時所

稔識者優游銅輦非隱非
吏輔導有餘力卽注述以
垂不朽未爲弗可昔人朝
受命而暮飲冰子母內熱
而萌他念也君迺然余言
之長沙惟郢距茲董數舍

王業已知君名又見君就
形不入和心不出敬信彌
加君方且迪之以帝王聖
賢之學引之於道德性命
之正

睿思啓發遜志取大日坐

崇德書院
君於崇德書院中相與講
明經傳剖析疑義不啻師
友烝烝乎相得驩甚矣君
因出其所集子書採二十
家以獻

王覽而異之如以真人之

言謦欬其側而楚然喜也
爰命繕書鋟梓以行工竣
其盛君復走使求余言爲
序余作而嘆曰夫古今之
習綺紈者多顛冥於靡麗
遂弁髦典籍以爲腐譚其

任散局者率亦甘心投棄
祇擎蹠曲拳是務闢茸落
莫白首窮年此河間經術
洛陽詞賦千載之後寥寥
無聞也第令魚水投合罔
禪教範何惑乎疣贅之睨
其君而

茲其盛君采真敝跬研覃
子書能以所得者獻之於
賢王雅意右文不吝鉅費
以其所集梓行于國而公
諸人上下之間相濟成美

詎直一時之休哉令聞烈
光將與斯集傳於有永矣
抑斯集也老列莊荀揚王
則世所稱六子書是已其
宅關尹十四家博士家罕
覩焉今誦其言或玄曠曼

衍深淪於繆悠或曲喻旁
通幻入於諛詭律以經傳
懿訓不無瑕瑜可擇總之
各以觥見鳴其堅白祖述
道德經而羽翼之成方外
家語三復有味以理性則

恬惓以齊物則軌斷以處
非譽榮辱則塵垢糝糠豈
盡述邪哆而渥法度觀者
未可以輕疵之也其盛君
窺其津涯久矣過此以往
且將與其君捐俗去累遊

於建德之國無形倨無畱
居涉於江而浮於海望之
不見其涖愈往不知其所
窮送君者皆自崖而反君
自此遠矣蜉蝣寰寓夫何
論乎湘麓彼纚纚軒冕侈

艷得志者君得無亦以疵
贅眎之乎謹書以質於君
如以吾言爲當則請序之
卷端謝子曰若所云弼
寡君蹈大方敬聞命矣迺
竊先民土苴以介倪於物

是南行至郢北面而不見
冥山之說也余何敢當嘗
萬曆六年夏四月哉生明
賜進士第通議大夫都察
院右副都御史前巡按湖
廣廣西提督直隸學校監

察御史閩長樂幼溪陳省
頓首拜手書于古槐精舍



二十家子書目錄

老子道德經上卷三十七章

體道章第一

安民章第三

虛用章第五

韜光章第七

運夷章第九

無用章第十一

厭耻章第十三

顯德章第十五

淳風章第十七

養身章第二

無源章第四

成象章第六

易性章第八

能為章第十

檢欲章第十二

贊玄章第十四

歸根章第十六

俗薄章第十八



還淳章第十九

異俗章第二十

虛心章第二十一

益謙章第二十二

虛無章第二十三

苦恩章第二十四

象元章第二十五

重德章第二十六

巧用章第二十七

反朴章第二十八

無為章第二十九

儉武章第三十

偃武章第三十一

聖德章第三十二

辯德章第三十三

任成章第三十四

仁德章第三十五

微明章第三十六

為政章第三十七

老子道德經下卷四十四章

論德章第三十八

法本章第三十九

去用章第四十

同異章第四十一

道化章第四十二

徧用章第四十三

立戒章第四十四

洪德章第四十五

儉欲章第四十六

鑒遠章第四十七

忘知章第四十八

任德章第四十九

貴生章第五十

養德章第五十一

歸元章第五十二

益證章第五十三

脩觀章第五十四

玄符章第五十五

玄德章第五十六

淳風章第五十七

順化章第五十八

守道章第五十九

居位章第六十

謙德章第六十一

為道章第六十二

恩始章第六十三

守微章第六十四

淳德章第六十五

後已章第六十六

三寶章第六十七

配天章第六十八

玄用章第六十九

知難章第七十

知病章第七十一

愛已章第七十二

任為章第七十三

制感章第七十四

貪損章第七十五

戒強章第七十六

天道章第七十七

任信章第七十八

任契章第七十九

獨立章第八十

顯質章第八十一

關尹子文始真經九篇

一字

二柱

三極

四符

五鑑

六七

七釜

八壽

九藥

亢倉子洞靈真經九篇

全道篇第一

用道篇第二

政道篇第三

君道篇第四

臣道篇第五

賢道篇第六

訓道篇第七

農道篇第八

崇德書院
兵道篇第九

文子通玄真經十二篇

道原

精誠

九守

符言

道德

上德

微名

自然

下德

上仁

上義

上禮

尹文子二篇

大道上

大道下

子華子上卷五篇

陽城胥渠問第一

孔子贈第二

北宮子仕第三

虎會問第四

晏子第五

子華子下卷五篇

晏子問黨第六

執中第七

大道第八

北宮意問第九

神氣第十

鬻子十四篇

撰吏五帝三王傳政乙第五

大道文王問第八

貴道五帝三王周政乙第五

守道五帝三王周政甲第四

撰吏五帝三王傳政乙第三

曲阜魯周公政甲第十四

道符五帝三王傳政甲第二

教始五帝治天下第七 禹政第六

湯政天下至紂第七 上禹政第六

道符五帝三王傳政甲第五

湯政湯治天下理第七 慎誅魯周公第六

公孫龍子六篇

跡府第一 白馬論第一

指物論第三 通變論第四

堅白論第五 名實論第六

鬼谷子十三篇

捭闔第一 反應第二

內捷第三 抵巇第四

飛箝第五 忤合第六

揣篇第七 摩篇第八

權篇第九 謀篇第十

決篇第十一 符篇第十二

本經陰符七篇

列子冲虛真經上卷四篇

天瑞第一 黃帝第二

周穆王第三

仲尼第四

列子冲虚真經下卷四篇

湯問第五

力命第六

揚朱第七

說符第八

莊子南華真經內篇七篇

逍遙遊第一

齊物論第二

養生主第三

人間世第四

德充符第五

大宗師第六

應帝王第七

莊子南華真經外篇十五篇

駢拇第八

馬蹄第九

胠篋第十

在宥第十一

右為上卷

天地第十二

天道第十三

天運第十四

刻意第十五

繕性第十六

秋水第十七

至樂第十八

達生第十九

山木第二十

田子方第二十一

知北遊第二十二

右為下卷

莊子南華真經雜篇十一篇

庚桑楚第二十三

徐無鬼第二十四

則陽第二十五

外物第二十六

崇德書院
寓言第二十七

讓王第二十八

盜璣第二十九

說劍第三十

漁父第三十一

列禦寇第三十二

天下第三十三

荀子上卷十篇

勸學篇第一

脩身篇第二

不苟篇第三

榮辱篇第四

非相篇第五

非十二篇第六

仲尼篇第七

儒效篇第八

王制篇第九

富國篇第十

荀子中卷八篇

王霸篇第十一

君道篇第十二

臣道篇第十三

致仕篇第十四

議兵篇第十五

彊國篇第十六

天論篇第十七

正論篇第十八

荀子下卷十四篇

禮論篇第十九

樂論篇第二十

解蔽篇第二十一

正名篇第二十二

性惡篇第二十三

君子篇第二十四

成相篇第二十五

賦篇第二十六

大畧篇第二十七

宥生篇第二十八

子道篇第二十九

法行篇第三十

哀公篇第三十一

堯問篇第三十二

楊子法言十三篇

學行篇

吾子篇

修身篇

問道篇

問神篇

問明篇

寡見篇

五百篇

先知篇

重黎篇

淵騫篇

君子篇

孝至篇

文中子中說十篇

王道篇

天地篇

事君篇

周公篇

問易篇

禮樂篇

述史篇

魏相篇

立命篇

關朗篇

抱朴子外篇上卷二十四篇

嘉遁第一

逸民第二

勗學第三

崇教第四

君道第五

臣節第六

良規第七

時難第八

官理第九

務正第十

貴賢第十一

任能第十二

欽士第十三

用刑第十四

審舉第十五

交際第十六

備關第十七

擢才第十八

任命第十九

名實第二十

清鑒第二十一

行品第二十二

弭訟第二十三

酒誡第二十四

抱朴子外篇下卷二十五篇

疾繆第二十五

譏惑第二十六

刺驕第二十七

百里第二十八

接疏第二十九

鈞世第二十九

省煩第三十一

尚博第三十二

漢過第三十三

吳失第三十四

守壻第三十五

安貧第三十六

仁明第三十七

博喻第三十八

廣譬第三十九

辭義第四十

循本第四十一

應嘲第四十二

喻蔽第四十三

正郭第四十四

彈禰第四十五

詰鮑第四十六

知止第四十七

窮達第四十八

重言第四十九

劉子五十五篇

清神第一

防慾第二

去情第三

韜光第四

崇學第五

專學第六

辯樂第七

履信第八

思順第九

慎獨第十

貴農第十一

愛民第十二

從化第十三

法術第十四

賞罰第十五

審名第十六

鄙名第十七

知人第十八

薦賢第十九

因顯第二十

託附第二十一

心隱第二十二

通塞第二十三

遇不遇第二十四

命相第二十五

妾瑕第二十六

適才第二十七

文武第二十八

均任第二十九

慎言第三十

貴言第三十一

傷讒第三十二

填隙第三十三

誠盈第三十四

明謙第三十五

大質第三十六

辯施第三十七

和性第三十八

殊好第三十九

兵術第四十

閱武第四十一

明權第四十二

貴速第四十三

觀量第四十四

隨時第四十五

風俗第四十六

崇德書院
利害第四十七

禍福第四十八

貪愛第四十九

類惑第五十

正賞第五十一

激通第五十二

惜時第五十三

言苑第五十四

九流第五十五

黃石公素書六篇

原始章第一

正道章第二

求人之志章第三

本德宗道章第四

遵義章第五

安禮章第六

玄真子三篇

碧虛

鸞鶴

濤之靈

天隱子八篇

神仙

易簡

漸門

齋戒

安處

存想

坐忘

神解

無能子三十四篇

聖過

明本

析惑

無憂

質妄 二篇

真脩 四篇

文王說

首陽子說

老君說

范蠡說

商隱說

孫登說

答華陽子問

魚說

答魯問二篇

固本四篇

孔子說二篇

宋玉說

嚴陵說

答通問

答愚中子問

鵠說

紀見三篇

老子序

老子者楚苦縣厲鄉曲仁里人也姓李氏名耳字伯陽諡曰聃周守藏室之史也孔子適周將問禮於老子老子曰子所言者其人與骨皆已朽矣獨其言在耳且君子得其時則駕不得其時則蓬累而行吾聞之良賈深藏若虛君子盛德容貌若愚去子之驕氣與多欲態色與淫志是皆無益於子之身吾所以告子若是而已孔子去謂弟子曰鳥吾知其能飛魚吾知其能游獸吾知其能走走者可以為罔游者可以為綸飛者可以為矰至於龍吾不能知其乘風雲而上天吾今日見老子其猶龍邪老子脩道德其學以自隱無名為務居周久之見周之衰廼遂去至闕關

令尹喜曰子將隱矣彊爲我著書於是老子迺著書上下
篇言道德之意五千餘言而去莫知其所終

老子道德經卷上

體道章第一

道可道非常道名可名非常名無名天地之始有名萬物
之母故常無欲以觀其妙常有欲以觀其徼此兩者同出
而異名同謂之玄玄之又玄衆妙之門

養身章第二

天下皆知美之爲美斯惡已皆知善之爲善斯不善已故
有無相生難易相成長短相形高下相傾音聲相和前後
相隨是以聖人處無爲之事行不言之教萬物作焉而不
辭生而不有爲而不恃功成而不居夫唯不居是以不去

安民章第三

微即

不尚賢。使民不爭。不貴難得之貨。使民不爲盜。不見可欲。使心不亂。是以聖人之治。虛其心。實其腹。弱其志。彊其骨。常使民無知無欲。使夫知者不敢爲也。爲無爲則無不治矣。

無源章第四

道冲而用之。或不盈。淵兮似萬物之宗。挫其銳。解其紛。和其光。同其塵。湛兮似若存。吾不知其誰之子。象帝之先。

虛用章第五

天地不仁。以萬物爲芻狗。聖人不仁。以百姓爲芻狗。天地之間。其猶橐籥乎。虛而不屈。動而愈出。多言數窮。不如守中。

成象章第六

谷神不死。是謂玄牝。玄牝之門。是謂天地根。綿綿若存。用之不勤。谷養也。玄鼻也。牝口也。

韜光章第七

天長地久。天地所以能長且久者。以其不自生。故能長生。是以聖人後其身而身先。外其身而身存。非以其無私耶。故能成其私。

易性章第八

上善若水。水善利萬物而不爭。處衆人之所惡。故幾於道。居善地。心善淵。與善仁。言善信。正善治。事善能。動善時。夫唯不爭。故無尤。

運夷章第九

持而盈之。不如其已。揣而銳之。不可長保。金玉滿堂。莫之能守。富貴而驕。自遺其咎。功成名遂。身退。天之道。

能為章第十

載營魄抱一。能無離乎。專氣致柔。能如嬰兒乎。滌除玄覽。能無疵乎。愛民治國。能無為乎。天門開闔。能無雌乎。明白四達。能無知乎。生之畜之。生而不有。為而不恃。長而不宰。是謂玄德。

無用章第十一

三十輻共一轂。當其無有車之用。埴埴以為器。當其無有器之用。鑿戶牖以為室。當其無有室之用。故有之以為利。

無之以為用。

檢欲章第十二

五色令人目盲。五音令人耳聾。五味令人口爽。馳騁田獵。令人心發狂。難得之貨。令人行妨。是以聖人為腹不為目。故去彼取此。

厭恥章第十三

寵辱若驚。貴大患若身。何謂寵辱。寵為下。得之若驚。失之若驚。何謂貴大患若身。吾所以有大患者。為吾有身。及吾無身。吾有何患。故貴以身為天下。則可寄於天下。愛以身為天下。乃可以託於天下。

贊玄章第十四

崇德書院
三
視之不見名曰夷聽之不聞名曰希搏之不得名曰微此三者不可致詰故混而爲一其上不皦其下不昧繩繩兮不可名復歸於無物是謂無狀之狀無象之象是謂惚恍迎之不見其首隨之不見其後執古之道以御今之有能知古始是謂道紀

顯德章第十五

古之善爲士者微妙玄通深不可識夫唯不可識故彊爲之容豫兮若冬涉川猶兮若畏四鄰儼兮若客渙兮若水之將釋敦兮其若樸曠兮其若谷渾兮其若濁孰能濁以靜之徐清孰能安以久動之徐生保此道者不欲盈夫唯不盈故能敝不新成

歸根章第十六

致虛極守靜篤萬物並作吾以觀其復夫物芸芸各復歸其根歸根曰靜靜曰復命復命曰常知常曰明不知常妄作凶知常容容乃公公乃王王乃天天乃道道乃久沒身不殆

淳風章第十七

太上下知有之其次親之譽之其次畏之其次侮之信不足焉有不信猶兮其貴言功成事遂百姓皆謂我自然

俗薄章第十八

大道廢有仁義智慧出有大偽六親不和有孝慈國家昏亂有忠臣

還淳章第十九

絕聖棄智、民利百倍、絕仁棄義、民復孝慈、絕巧棄利、盜賊無有、此三者以為文不足、故令有所屬、見素抱樸、少私寡欲、

異俗章第二十

絕學無憂、唯之與阿、相去幾何、善之與惡、相去何若、人之所畏、不可不畏、荒兮其未央、執衆人熙熙、如享太牢、如登春臺、我獨怕兮其未央、如嬰兒之未孩、乘乘兮若無所歸、衆人皆有餘、而我獨若遺、我愚人之心也哉、沌沌兮俗人昭昭、我獨若昏、俗人察察、我獨悶悶、忽兮若海、颺兮若無所止、衆人皆有以、而我獨頑似鄙、我獨異於人、而貴求食

伯魯

於母、食用也
母道也

虛心章第二十一

孔德之容、唯道是從、道之為物、唯恍唯惚、惚兮恍兮、其中有象、恍兮惚兮、其中有物、窈兮冥兮、其中有精、其精甚真、其中有信、自古及今、其名不去、以閱衆甫、吾何以知衆甫之然哉、以此、

孔天

也

益謙章第二十二

曲則全、枉則直、窪則盈、弊則新、少則得、多則惑、是以聖人抱一為天下式、不自見、故明、不自是、故彰、不自伐、故有功、不自矜、故長夫、唯不爭、故天下莫能與之爭、古之所謂曲則全者、豈虛言哉、誠全而歸之、

虛無章第二十三

希言自然。飄風不終朝，驟雨不終日。孰爲此者？天地尚不能久，而況於人乎？故從事於道者，道者同於道德者，同於德，失者同於失，同於道者，道亦樂得之，同於德者，德亦樂得之，同於失者，失亦樂失之，信不足焉，有不信焉。

苦恩章第二十四

跛者不立，跨者不行，自見者不明，自是者不彰，自伐者無功，自矜者不長，其於道也，曰餘食贅行，物或惡之，故有道者不處也。

象元章第二十五

有物混成，先天地生，寂兮寥兮，獨立而不改，周行而不殆。

可以爲天下母，吾不知其名字，之曰道，彊爲之名曰大，大曰逝，逝曰遠，遠曰及，故道大，天大地大，王亦大，域中有四大，而王居其一焉，人法地，地法天，天法道，道法自然。

重德章第二十六

重爲輕根，靜爲躁君，是以君子終日行，不離輻重，雖有榮觀，燕處超然，奈何萬乘之主，而以身輕，天下輕則失，臣躁則失君。

巧用章第二十七

善行無轍迹，善言無瑕譎，善計不用籌策，善閉無關捷，而不可開，善結無繩約，而不可解，是以聖人常善救人，故無棄人，常善救物，故無棄物，是謂襲明，故善人者，不善人之

師不善人者善人之資不貴其師不愛其資雖智大迷是謂要妙

返樸章第二十八

知其雄守其雌為天下谿為天下谿常德不離復歸於嬰兒知其白守其黑為天下式為天下式常德不忒復歸於無極知其榮守其辱為天下谷為天下谷常德乃足復歸於樸樸散則為器聖人用之則為官長故大制不割。

無為章第二十九

將欲取天下而為之吾見其不得已天下神器不可為也為者敗之執者失之故物或行或隨或歛或吹或強或贏或載或隳是以聖人去甚去奢去泰

儉武章第三十

以道佐人主者不以兵彊天下其事好還師之所處荆棘生焉大軍之後必有凶年故善者果而已不敢以取彊果而勿矜果而勿伐果而勿驕果而不得已果而勿彊物壯則老是謂不道不道早已

偃武章第三十一

夫佳兵不祥之器物或惡之故有道者不處君子居則貴左用兵則貴右兵者不祥之器非君子之器不得已而用之恬惓為上勝而不美夫樂殺人者則不可以得志於天下矣吉事尚左凶事尚右偏將軍處左上將軍處右言以喪禮處之殺人眾多以悲哀泣之戰勝以喪禮處之

而美
是者
殺人

雄雌
早白
果
明暗

聖德章第三十二

道常無名樸雖小天下莫敢臣侯王若能守萬物將自賓
天地相合以降甘露民莫之令而自均始制有名名亦既
有夫亦將知止知止所以不殆譬道之在天下猶川谷之
與江海

辯德章第三十三

知人者智自知者明勝人者有力自勝者彊知足者富彊
行者有志不失其所者久死而不亡者壽

任成章第三十四

大道汎兮其可左右萬物恃之以生而不辭功成不名有
愛養萬物而不為主常無欲可名於小萬物歸焉而不為

主可名於大是以聖人終不為大故能成其大

仁德章第三十五

執大象天下徃徃而不害安平泰樂與餌過客止道之出
口淡乎其無味視之不足見聽之不足聞用之不可既

微明章第三十六

將欲喻之必固張之將欲弱之必固彊之將欲廢之必固
興之將欲奪之必固與之是謂微明柔弱勝剛強魚不可
脫於淵國之利器不可以示人

為政章第三十七

道常無為而無不為侯王若能守萬物將自化化而欲作
吾將鎮之以無名之樸無名之樸亦將不欲不欲以靜天

下將自定、

老子道德經卷下

論德章第三十八

上德不德是以有德、下德不德是以無德、上德無為而無以爲、卞德爲之而有以爲、上仁爲之而無以爲、上義爲之而有以爲、上禮爲之而莫之應、則攘臂而仍之、故失道而後德、失德而後仁、失仁而後義、失義而後禮、夫禮者忠信之薄而亂之首、前識者道之華而愚之始、是以大丈夫處其厚不處其薄、居其實不居其華、故去彼取此。

法本章第三十九

昔之得一者、天得一以清、地得一以寧、神得一以靈、谷得一以盈、萬物得一以生、侯王得一以爲天下正、其致之一

作車二

也。天無以清，將恐裂地；無以寧，將恐發神；無以靈，將恐歇谷。無以盈，將恐竭；萬物無以生，將恐滅。侯王無以貞而貴，高將恐蹙；故貴以賤為本，高以下為基。是以侯王自謂孤寡不穀，此其以賤為本，邪非乎？故致數車無車，不欲球球如玉，珞珞如石。

去用章第四十

反者道之動，弱者道之用。天下之物生於有，有生於無。

同異章第四十一

上士聞道，勤而行之；中士聞道，若存若亡；下士聞道，大笑之，不笑不足以為道。故建言有之：明道若昧，進道若退，夷道若類，上德若谷，太白若辱，廣德若不足，建德若偷，質真

若渝，大方無隅，大器晚成，大音希聲，大象無形，道隱無名。夫惟道善貸且成。

道化章第四十二

道生一，一生二，二生三，三生萬物。萬物負陰而抱陽，沖氣以為和。人之所惡，唯孤寡不穀，而王公以為稱。故物或損之而益，或益之而損。人之所教我，亦教之。彊梁者不得其死，吾將以為教父。父始也。

徧用章第四十三

天下之至柔，馳騁天下之至堅；無有人於無間，吾是以知無為之有益。不言之教，無為之益，天下希及之。

立戒章第四十四

名與身孰親。身與貨孰多。得與亡孰病。是故甚愛必大費。多藏必厚亡。知足不辱。知止不殆。可以長久。

洪德章第四十五

大成若缺。其用不敝。大盈若冲。其用不窮。大直若屈。大巧若拙。大辯若訥。躁勝寒。靜勝熱。清靜爲天下正。

儉欲章第四十六

天下有道。却走馬以糞。天下無道。戎馬生於郊。罪莫大於可欲。禍莫大於知足。咎莫大於欲得。故知足之足。常足。

鑒遠章第四十七

不出戶。知天下。不窺牖。見天道。其出彌遠。其知彌少。是以聖人不行而知。不見而名。不爲而成。

忘知章第四十八

爲學日益。爲道日損。損之又損。以至於無爲。無爲而無不爲矣。故取天下者。常以無事。及其有事。不足以取天下。

任德章第四十九

聖人無常心。以百姓心爲心。善者吾善之。不善者吾亦善之。德善。信者吾信之。不信者吾亦信之。德信。聖人之在天。下。惻惻爲天下。渾其心。百姓皆注其耳目。聖人皆孩之。

貴生章第五十

出生入死。生之徒十有三。死之徒十有三。人之生動之死地。亦十有三。夫何故。以其生生之厚。蓋聞善攝生者。陸行不遇兕虎。入軍不被甲兵。兕無所投其角。虎無所措其爪。

惻
作

兵無所容其刃、夫何故以其無死地、

養德章第五十一

道生之、德畜之、物形之、勢成之、是以萬物莫不尊道而貴德、道之尊、德之貴、夫莫之命而常自然、故道生之、畜之、長之、育之、成之、熟之、養之、覆之、生而不有、爲而不恃、長而不宰、是謂玄德。

歸元章第五十二

天下有始、以爲天下母、既得其母、以知其子、既知其子、復守其母、沒身不殆、塞其兌、閉其門、終身不勤、開其兌、濟其事、終身不救、見小曰明、守柔曰彊、用其光、復歸其明、無遺身殃、是謂襲常。

也
母化也
子化也
物化也
分也
也

益證章第五十三

使我介然有知、行於大道、唯施是畏、大道甚夷、而民好徑、朝甚除、田甚蕪、倉甚虛、服又采、帶利劍、厭飲食、財貨有餘、是謂盜誇、非道哉。

修觀章第五十四

善建者不拔、善抱者不脫、子孫祭祀不輟、修之於身、其德乃真、修之於家、其德乃餘、修之於鄉、其德乃長、修之於國、其德乃豐、修之於天下、其德乃普、故以身觀身、以家觀家、以鄉觀鄉、以國觀國、以天下觀天下、吾何以知天下之然哉、以此。

玄符章第五十五

含德之厚。比於赤子。毒蟲不螫。猛獸不據。攫鳥不搏。骨弱筋柔而握固。未知牝牡之合而峻作。精之至也。終日號而嗑不嗃。和之至也。知和曰常。知常曰明。益生曰祥。心使氣曰彊。物壯則老。是謂不道。不道早已。

玄德章第五十六

知者不言。言者不知。塞其兌。閉其門。挫其銳。解其紛。和其光。同其塵。是謂玄同。不可得而親。亦不可得而疎。不可得而利。亦不可得而害。不可得而貴。亦不可得而賤。故爲天下貴。

淳風章第五十七

以正治國。以奇用兵。以無事取天下。吾何以知其然哉。以此。天下多忌諱。而民彌貧。人多利器。國家滋昏。人多伎巧。奇物滋起。法令滋彰。盜賊多有。故聖人云。我無爲而民自化。我無事而民自富。我好靜而民自正。我無欲而民自樸。

順化章第五十八

其政悶悶。其民淳淳。其政察察。其民缺缺。禍兮福之所倚。福兮禍之所伏。孰知其極。其無正。正復爲奇。善復爲祿。民之迷其日固久。是以聖人方而不割。廉而不剝。直而不肆。光而不耀。

守道章第五十九

治人事天。莫若嗇。夫惟嗇是謂早服。早服謂之重積德。重積德則無不克。無不克則莫知其極。莫知其極。可以有國。

早先
得也

奇詳
也

有國之母，可以長久。是謂深根固蒂，長生久視之道。

居位章第六十

治大國若烹小鮮，以道蒞天下，其鬼不神，非其鬼不神，其神不傷人，非其神不傷人。聖人亦不傷人，夫兩不相傷，故德交歸焉。

謙德章第六十一

大國者下流，天下之交，天下之牝，牝常以靜勝牡，以靜為下。故大國以下小國，則取小國；小國以下大國，則取大國。故或下以取，或下而取。大國不過欲兼畜人，小國不過欲入事人，夫兩者各得其所，欲故大者宜為下。

為道章第六十二

道者萬物之奧，善人之寶，不善人之所保，美言可以市，尊行可以加。人之不善，何棄之有？故立天子，置三公，雖有拱璧以先駟馬，不如坐進此道。古之所以貴此道者，何？不曰求以得，有罪以免邪？故為天下貴。

恩始章第六十三

為無為，事無事，味無味，大小多少，報怨以德。圖難於其易，為大於其細，天下難事必作於易，天下大事必作於細。是以聖人終不為大，故能成其大。夫輕諾必寡信，多易必多難。是以聖人猶難之，故終無難。

守微章第六十四

其安易持，其未兆易謀，其脆易破，其微易散。為之於未有。

治之於未亂。含抱之木。生於毫末。九層之臺。起於累土。千里之行。始於足下。爲者敗之。執者失之。是以聖人無爲。故無敗。無執。故無失。民之從事。常於幾成。而敗之。慎終如始。則無敗事。是以聖人欲不欲。不貴難得之貨。學不學。復衆人之所過。以輔萬物之自然。而不敢爲。

淳德章第六十五

古之善爲道者。非以明民。將以愚之。民之難治。以其智多。是故以智治國。國之賊。不以智治國。國之福。知此兩者。亦楷式。能知楷式。是謂玄德。玄德深矣。遠矣。與物反矣。乃至於大順。

後已章第六十六

江海所以能爲百谷王者。以其善下之。故能爲百谷王。是以聖人欲上人。以其言下之。欲先人。以其身後之。是以處上而人不重。處前而人不害。是以天下樂推而不厭。以其不爭。故天下莫能與之爭。

三寶章第六十七

天下皆謂我道大。似不肖。夫唯大。故似不肖。若肖。久矣。其細也。夫我有三寶。保而持之。一曰慈。二曰儉。三曰不敢爲。天下先慈。故能勇。儉。故能廣。不敢爲。天下先。故能成。器長。今捨慈。且勇。捨儉。且廣。捨後。且先。死矣。夫慈。以戰則勝。以守則固。天將救之。以慈衛之。

配天章第六十八

善爲士者不武善戰者不怒善勝敵者不爭善用人者爲
之下是謂不爭之德是謂用人之力是謂配天古之極也

玄用章第六十九

用兵有言吾不敢爲主而爲客不敢進寸而退尺是謂行
無行攘無臂仍無敵執無兵禍莫大於輕敵輕敵幾喪吾
寶故抗兵相加哀者勝矣

知難章第七十

吾言甚易知甚易行天下莫能知莫能行言有宗事有君
夫唯無知是以不我知知我者希則我者貴是以聖人被
褐懷王

知病章第七十一

知不知上不知知病夫唯病病是以不病聖人不病以其
病病是以不病

愛已章第七十二

民不畏威則大威至無狹其所居無厭其所生夫唯不厭
是以不厭是以聖人自知不自見自愛不自貴故去彼取
此

任爲章第七十三

勇於敢則殺勇於不敢則活此兩者或利或害天之所惡
孰知其故是以聖人猶難之天之道不爭而善勝不言而
善應不召而自來緝然而善謀天網恢恢疎而不失

制或章第七十四

司殺
天也

民常不畏死奈何以死懼之若使民常畏死而為奇者吾
得執而殺之孰敢常有司殺者殺夫代司殺者殺是謂代
大匠斲夫代大匠斲希有不傷其手矣。

貪損章第七十五

民之饑以其上食稅之多是以饑民之難治以其上之有
為是以難治民之輕死以其求生之厚是以輕死夫唯無
以生為者是賢於貴生。

戒彊章第七十六

民之生也柔弱其死也堅彊萬物草木之生也柔脆其死
也枯槁故堅彊者死之徒柔弱者生之徒是以兵彊則不
勝木彊則共故堅彊居下柔弱處上

天道章第七十七

天之道其猶張弓乎高者抑之下者舉之有餘者損之不
足者與之天道損有餘而補不足人之道則不然損不足
以奉有餘孰能以有餘而奉不足於天下唯有道者是以
聖人為而不恃功成不處其不欲見賢

任信章第七十八

天下柔弱莫過於水而攻堅彊者莫之能勝其無以易之
故柔勝剛弱勝彊天下莫不知莫能行是以聖人云受國
之垢是為社稷主受國不祥是為天下王正言若反

任契章第七十九

和大怨必有餘怨安可以為善是以聖人執左契而不責

於人故有德司契無德司徹天道無親常與善人

獨立章第八十

小國寡民使有什伯之器而不用使民重死而不遠徙雖有舟輿無所乘之雖有甲兵無所陳之使民復結繩而用之甘其食美其服安其居樂其俗鄰國相望鷄犬之聲相聞民至老死不相往來

顯質章第八十一

信言不美美言不信善者不辯辯者不善知者不博博者不知聖人不積既以為人已愈有既以與人已愈多天之道利而不害聖人之道為而不爭

李喜造

